

ЕСКЕРТКІШІ

Жалпы Кейкі жайында дерек сондай сараң.

Торғай даласын жетік білетін жазушы С.Шүкірұлы Кейкі туралы былай деп жазды: «Атыс өнеріне әбден жаттыққан аңшы Кейкі қолмерген атанған. Көздемей, оңы-солы, алды-арты демей, атүсті айқаста «желкесімен де көріп» жауынан бұрын қимылдап үлгіреді екен».

Бізге белгілісі — дала комиссары Ә.Жанкелдиннің ықпалымен «қызыл» жағына шыққан, бірақ, бас

басының қамы ма? Жоқ! Батырды кектендірген, намысын оятқан жалғыз жағдай, ол — уәдесінде тұрмаған патшаның әділетсіздігі мен қызыл империяның құйтырқы саясаты.

Кейкінің бейнесін көркем әдебиетте Ғ.Мүсіреповтен С.Тұрғынбекке дейінгі талай қаламгер сомдады. Ғ.Мүсіреповтің «Аманкелді» пьесасында Кете батыр болып бейнеленсе, М.Жұмағұлов «Қыран қазасы қияда» кітабында жұмбақтап жеткізді.

Ал, А.Нұрмановтың кеңес заманында шыққан «Құланның ажалы» романында да аты анық айтылмады. Алайда, астарласа да Кейкінің шын мәнінде кім екенін, ұлт тарихында алатын орнын жеткізе білді. Кейкінің шынайы бейнесі өз есімімен жазылған, бар болмысы ашылған эпикалық туынды — С.Тұрғынбектің «Кейкі батыр» дастаны.

Кейкі Кекембайұлының ұрпағы Қостанай облысы Амангелді ауданындағы «Ақтас», «Тасты» елді мекенінде тұрады. 1996 жылы Кейкі батырдың туғанына 125 жыл толуына байланысты ас беріліп, ескерткіш орнатылды.


КЕСЕНЕСІ

Жуырда әлеуметтік желіде Кейкі батыр кесенесінің құрылысы басталғандығы жөнінде жағымды жаңалық тарады. Ал, облыстық «Қостанай таңы» газетінің жазуына қарағанда, кесене демеушілер қаржысына салынады. «Тасты» ауылының қырындағы «Жалдама-Арқалық» тасжолының бойында оның іргетасы құйылды.

Кесене салуды ұйымдастырған Астаналық «EL-DAANA» архитектуралық бюросы. Басшысы — Эльвира Нұралиева. Бұл мекеме Арқалық қаласындағы «Алюминстрой» компаниясымен келісім-шартқа отырды. Құрылыстың біраз бөлігін сол салады.

Ал, кесененің күмбезі мен белгілі бір машық пен шеберлікті қажет

Қазақтың қатпары қалың тарихы кеңестік кезеңде қатты бұрмаланып, елі үшін еңіреп өткен талай ер «жауыз», «бұзақы», «банды» атанды. Соның бірі — Кейкі. Ол — есімі жаманатқа телінген, бар ісі-әрекеті теріс бағаланған, патша ағзам мен Кеңес өкіметінің саясатымен санаспай өткен тұлға.



ететін басқа да бірқатар жерін «EL-DAANA» өзі салмақ. Бұл бюро — бұған дейін өзінің сәулет өнеріндегі жетістігімен танылған құрылыс мекемесі. Демек, батыр кесенесінің талапқа сай салынып шығуына толық көпілдік береді деген сенім бар.

Кесене құрылысының барысын облыстық және аудандық әкімдік пен тиісті салалық мекеме өз бақылауына алды.

Айта кетейік, биыл маусымда Кейкі батырдың мүрдесі жерленген жерді тауып, оның бас сүйегін тәнімен қосып жерлеуді мақсат еткен бір топ қоғам қайраткері енген экспедиция жолға шықты. Экспедиция бағыты — Торғай даласы, Жыланшық өзенінің бойы.

«Ал, ең басты мақсат — Кейкі батырдың жерленген орнын тауып, ғылыми негізде археологиялық қазба жұмысын жүргізу» деді экспедиция басшысы, Л.Гумилев атындағы Еуразия ұлттық университетінің ректоры, тарих ғылымының докторы Е.Сыдықов «ҚазАқпарат» агенттігіне берген сұхбатында.

Экспедиция, сондай-ақ, Кейкіге қатысты тың дерек табу мақсатында тарихи оқиға төңірегінде пікірталас өткізеді. Арқалық педагогикалық институтының ұжымымен кездеседі. Қаладағы өлкетану музейіне көмек көрсетеді.

Әлібек ӘБДІРАШ,

Қазақстан Журналистер одағы сыйлығының лауреаты.

РАЛУУЫ

ейін)



сардар А.Имановқа ермей, Кеңеске қарсылық жасаушы топқа қосылып, соңында жалғыздыққа жолыққан. Артында: «Ақ орысың не, қызыл орысың не, сары орыстың — бәрі орыс!» деген сөз қалған.

«Батырлық» дембелше дене, бұла күш пен сұлу сымбат еместігін қазаққа дәлелдеудің қажеті шамалы. Жүректілік дене тұлғасының ірі кішілігіне қарамайды. Атам қазақ батыр адамды жүрегінің түгіне қарап бағалады.

Қалжасы қалыңқы болса да, жүрегі түкті Кейкі кімге кектенді? Жеке